



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 3. Concilium Causæ S. Bernuardi favens.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

mam suscepit. Præterea Henricus Sæculum XI.
Dux Baviaræ, tunc in Palatio Imperato- A.C.1001.
ris commorans, ei sanguine junctus, Epi-
scopi causæ favebat, & Judicium urge-
bat, quo maturius in illam Ecclesiam pax
reduceretur.

n. 24.

§. III.

*Concilium causæ S. Bernuardi fa-
vens.*

Igitur Silvester Papa Concilium viginti
Episcoporum, ex quibus septendecim
Itali, & tres Germani erant, Imperato-
re, Henrico Duce, cunctisque Romanæ
Urbis Senatoribus præsentibus, celebra-
vit. Postquam prælectum fuisset Evan-
gelium & aliquot Canones, Papa omni-
bus Benedictionem impertitus est. Tum
confidentibus omnibus & præcone silen-
tium imperante, Bernuardus Episcopus
causam suam exposuit, adjiciens, quod
majus erat, se absente & frustra recla-
mante in sua Diœcesi, id est, in Mona-
sterio Gandesemeni Archiepiscopum
Moguntinum Synodum celebrasse. Tunc
Papa ex Patribus exquisivit, an legitima
Synodus haberi deberet Conventus,
quem Archiepiscopus Moguntinus cum
suis Clericis illo deductis, in Ecclesia ab
omni hominum memoria Episcopo Hil-
desheimensi subjecta, Episcopo absente
& hanc ipsam causam ad Sacram Sedem

A 4

defe-

Sæculum XI. deferente, celebrasset. Petierunt Pa-
A.C. 1001. tres, ut de hac re sibi secreto deliberare
 liceret, quod ubi Papa concessit, Episco-
 pi Romani soli exierunt. Et tandem
 Concilium declaravit, hanc Synodum
 fuisse conventiculum schismaticum, at-
 que secundum Canones rejicienda esse
 omnia, quæ in eo acta essent.

Tunc vero Papa sententiam pronun-
 ciavit in hunc modum: *Auctoritate Apo-
 stolorum & Patrum, irritum & nullum
 declaramus, quod absente fratre nostro
 Bernuardo Gandesemi in ipsius Diœcesi ab
 Archiepiscopo Willegiso, & rei bujus con-
 sciis, actum est.* Tum addidit: *An Fra-
 ter noster Bernuardus postulat, Investitu-
 ram ab Archiepiscopo sibi ablatam resti-
 tui?* Responderunt Patres: *Non est qui-
 dem necessarium; quia vero id instantissi-
 me petit, si Imperatori placet restituere.*
 Igitur Papa Episcopo Ferulam (*) seu ba-
 culum Pastoralem tradidit, dicens: *Re-
 stituo tibi, & confirmo possessionem mo-
 nasterii Gandesemensis, omniumque præ-
 diorum ad illud pertinentium, omnibus-
 que & singulis probibeo, ne te in hac pos-
 sessione*

(*) Hic ob ea, quæ in Historia Ecclesiastica de
 Investituris sequuntur, notatu dignum, quod
 Papa Baculum Pastoralem Episcopo Hildeshei-
 menti præfente Imperatore tradat.

sessione perturbent, nisi id secundum Cano-
 nes fieri oporteat.

Sæculum XI.
 A.C. 1001.

Tandem statutum, ut Archiepiscopo Moguntino rescriberent, factum exprobrarent, & hortarentur, ut a cœpto desisteret. Illud quoque decretum, in Saxonia Concilium Episcoporum indicere, & Legatum Pontificium mittere, qui Conventui præesset. Designatus est locus Poldena prope Brandenburgum, & dies vigesima prima Junii præstituta. Legationem obire jussus est Fridericus Presbyter Cardinalis Ecclesiæ Romanæ, & postea Archiepiscopus Ravennas, natione Saxo, ætate juvenis, sed pietate insignis. Priusquam iter in Saxoniam rediturus ingrederetur Bernwardus cum Papa militans civitatem Tiburtinorum rebellium ad deditionem compulit. Ubi ambo Præsules urbem intrarunt, cives ut se Imperatori nullis positis conditionibus subjicerent, & hunc Principem ut devictis parceret, permoverunt. At Romani indignati, quod Tiburtini jam pacem haberent, seditionem moverunt, Auctore quodam Gregorio, viro perfido, qui licet Imperatori esset carissimus, Dominum & Principem suum per prodicionem comprehendere conatus est. Ergo portæ urbis clauduntur, nemo vel ingredi vel exire sinitur, quin & aliqui amicorum Imperatoris interficiuntur.

Ditmar. l. 4.
p. 44.

A 5

Tunc

Sæculum XI. Tunc vero Bernwardus Episcopus Excubi-
 A.C. 1001. tores Cæsarei Palatii monuit, ut peccata
 sua confiterentur Sacerdoti, cumque eos
 in Missa Viatico muniisset, & oratione
 ad fortitudinem militarem excitasset,
 alacres ipse ante prima signa procedens,
 & Sacram Lanceam, quod tanquam sin-
 gulare præsidium Imperatores Germani
 venerabantur, portans, in cives rebelles
 eduxit. Illi mutatis subito animis arma
 projiciunt, & pacem deposcunt. Itaque
 postquam Imperator breviter dixisset ad
 populum, ingratos & tot beneficiorum
 immemores animos increpans, extincta
 est seditio. Imperatori & Papæ tamen
 visum est in Dominica Sexagesimæ, quæ
 anno 1001. in decimam sextam Februa-
 rii incidebat, Roma excedere, & non
 procul a mœnibus castra metari. Ibi cum
 Bernwardus Episcopus & Imperator in-
 ter mutuas lacrymas sibi valedixissent,
 ille muneribus & Reliquiis cumulatus ad
 suos remeavit.

§. IV.

Quædam in Germania Concilia.

Fridericus Cardinalis quoque in Ger-
 maniam pervenit, eo vestium cultu,
 quo Papa incedere solebat, ut omnes
 agnoscerent, eum Summi Pontificis vi-
 ces gerere. Equi etiam phaleris purpu-
 reis splendebant. Concilium Poldenæ
 cele-